

天台無見觀禪師語錄上

C40  
4514  
(179)

C 40-4514

了翁上座請大猷及有  
家書置資州紫雲山  
我微笑瑋院直府中永  
為學者不敢許出院內  
當山二世藏十機護



B 64853

天台無見觀禪師語錄序

宗門嫡派祇論真贋不論隱顯真得正法眼  
常作人天師者雖埋踪削影而千載精光自  
然迸現玉潤山輝珠藏川媚神物呵護不可  
得而埋沒也達磨西來至曹溪祖而別為五  
臨濟正傳至無準範而別為二斷橋倫與雪  
巖欽其雙鵬竝擊兩驥偕馳者也後來一翮  
一集一躍一潛總在大機大用不議中



擔當佛祖慧命豈假聲施烜赫與世  
庭哉無見觀和尚爲斷橋嫡骨嫡髓兒孫而  
介菴進和尚則無見之十三世墮地獅孫也  
此錄自元丁酉歷明迄今丁酉恰三百年而  
嚮來藏之名山傳之其人者忽從龍宮海藏  
推出俾金明介和尚得拂拭而光大之亦大  
奇特因緣矣天台自智者大師以至大寂高  
菴諸名宿卓杖擎頂響振諸方而無見和尚

乃能於高寒孤僻之地展一坐具閱盡四十  
春秋足跡不離戶限而道價洋溢奔走皈依  
拈提開不悉從一毛頭現寶王刹微塵裏轉  
大法輪稱性而談機鋒聳峻視世間語言文  
字逼塞虛空者何啻千里萬里哉紀實讚頌  
具在金華黃晉卿學士序國清曇噩大師塔  
銘雙徑元叟端禪師跋中足當千秋攷證也  
順治丁酉季秋中澣日國子司業前鳳辰二

甲進士虞部郎副廷尉曹溪弟子福徵禱  
李道一居士埽菴譚貞默槃談撰



無見觀禪師語錄序

天公之華頂峯有大比丘居焉曰無見觀禪師禪師之道上承臨濟之正傳者也蓋自菩提達磨以摩訶迦葉所得無上正法至于東土直接上根其後支分爲二而心印獨傳於曹溪派別爲五而宗風大振於臨濟其得人之衆莫臨濟一宗爲盛焉七傳至於楊岐曰雲五祖圓悟誠所謂不立一法根源直截使人明心見性以成佛者矣悟之傳有虎丘隆公大慧杲公皆卓然樹立教道於故宋南渡之初東南禪門之盛遂冠絕於一時而隆之傳爲應菴華公密菴傑公



破蕃先公及無準範公凡四世範公之傳則有斷橋  
倫公雪巖欽公當宋之季年宗門耆宿相繼遷謝而  
二公獨唱道東南以振揚宗風爲已任可謂禪門之  
柱石矣倫公之傳爲方山寶公而禪師則得法於寶  
公故其門庭巖峻機關警捷無忝於乃祖其居華頂  
四十寒暑苦行堅守足跡未嘗下山不起于座而道  
價之重傾動遠邇此其爲道豈非有光于臨濟之正  
傳者耶初欽公之傳爲高峯妙公中峯本公而妙公  
晏坐天目山設死關以待學者終其身亦不下山其  
與禪師實法門叔侄行故其爲道若出一揆入國

朝以來能使臨濟之法復大振於東南者本公及禪  
師而已可謂盛哉禪師沒既久弟子道昌集其遺蹟  
將刊梓以行來請予爲序予於禪師之道其微與高  
遠者誠非所能知輒述其源流之所自書于首簡庶  
使覽者自擊而道存則思過半矣至正十七年歲在  
丁酉二月甲子中奉大夫前翰林侍講學士知制  
誥同修國史同知 經筵事黃潛撰





與譚茶酒書

無見和尚語錄得其殘蠹之餘輯為二卷梓行俾閱者非徒追配古德益見祖大坐莖頂四十年足不越闔而道風彌播傾動寰宇元主賜號終其山于中應機垂不開鑿眼目之奧旨進不敢私特揭出以公諸天下煩居士送入楞嚴經坊以便請看幸甚

無見和尚語錄目錄

序文 黃文獻公撰

卷上

示眾

小叅

法語

頌古

真贊

卷下

偈頌

山居詩

題跋

臨終遺誡

辭世偈

附

塔銘

國清曇噩撰

跋

元叟端禪師撰

妙明真覺無見觀和尚住率頂善興禪寺語錄卷上

處州福林禪院嗣法門人智度等編

嘉興金明寺第十三代孫悟進重梓

示衆風冷冷日杲杲蔞萄花開滿路香池塘一夜生  
春草堪悲堪咲老瞿曇四十九年說不到阿呵呵拍  
禪床下座

示衆若論此事三世諸佛一大藏教詮註不及天下  
老和尚拈提不起直饒有傾湫之辨倒嶽之機一點  
也用不著諸仁者饑則啐飯困則打眠熱則乘涼寒  
則向火一一天真一一明妙何得蹋步向前論禪論



道誤將魚目爲珠錯認橘皮作火不見道大機須透  
徹大用須直截不識東家孔丘翁却向他邦尋禮樂  
卓拄杖云錯復舉龐居士問馬大師不與萬法爲侶  
者是什麼人馬祖云待汝一口吸盡西江水却向汝  
道土有省師頌云一口吸盡西江水鷓鴣啼在深花  
裏縱饒直下便承當何啻白雲千萬里曳拄杖下座  
小叅臨濟入門便喝德山入門便棒亂世英雄雪老  
低頭歸菴麻谷携鋤入園太平奸賊所以道句中不  
停意意中不停句意句不同倫且作麼生會直饒向  
劍刃上翻身冰稜上走馬也是無風匝匝之波不見

雲門道盡乾坤大地無絲毫過患猶是轉句不見一  
法始是半提更須知有全提底且作麼生是全提底  
擊拂子云自出洞來無敵手得饒人處且饒人復舉  
臨濟聞德山示衆云道得也三十棒道不得也三十  
棒濟令侍者去問爲什麼道得也三十棒道不得也  
三十棒他若打你接住送一送看他如何侍者至彼  
理前問德山便打侍者接住送一送德山便歸方丈  
侍者回舉似臨濟濟云我從來疑著者漢雖然如是  
汝還見德山麼侍者擬議濟便打師云千鈞之弩豈  
爲鼯鼠發機奔流度刃疾燄過風則不無一老仔細



無覺稱佛讚  
二  
檢點將來三十棒只合自喫何故將頭不猛累及三  
軍擊拂子下座

小叅過去諸如來斯門已成就夢裏求形水中捉月  
現在諸菩薩各各入圓明捕得老鼠打破油甕未來  
修學人當依如是法彼自無瘡勿傷之也無計較中  
翻成計較無途轍中翻成途轍殊不知屠坊酒肆全  
彰古佛家風鬧市紅塵顯出祖師巴鼻若也舉一明  
三目機鉢兩河黃曰雲萬里啞華開華落任風吹自  
有清香滿天地復舉雪峯示眾云三世諸佛回火燄  
上轉大法輪玄沙云近日官令稍嚴峯云作麼生沙

三云不許攙行奪市雪峰不覺吐舌雲門云火燄為三  
世諸佛說法三世諸佛立地聽師云雪峰父子將謂  
播揚大教殊不知馳騁機解銜耀見聞雲門忍俊不  
禁道個火燄為三世諸佛說法且道畢竟說什麼法  
離婁明未徹師曠聽非聰便下座

白雲度叅問西來密意未審如何師云待娑羅峰點  
頭卽向汝道度以手搖曳擬答師便喝度云娑羅峰  
頂白浪滔天花開芒種後葉落立秋前師云我家無  
殘羹剩飯也度云此非殘羹剩飯而何師領之

法語

示徐提點

信是道元功德母長養一切諸善根先聖曲垂方便  
出一言半句無非應病與藥又何嘗以實法繫綴於  
人迷則千差萬別悟則事向一家蓋因積劫以來無  
明煩惱所覆不能洞徹見源豈可汨沒塵勞虛喪光  
陰一念稍有差別墮在三惡道中其時追悔噬臍無  
及矣古之有志於道者巖居穴處草衣木食遇聲遇  
色如石上栽花見名見利似眼中著屑今人多爲聰  
明利智所使廣學多聞以資談柄如蠶作繭自纏自  
縛不能忘其筌蹄誠可憐憫采菴提點篤志此道棄

名利如弊屣甘淡薄如頭陀噫天下無二道聖人無  
二心豈可自暴自棄甘受輪轉須是盡底放下世緣  
頓忘人我猛着精彩密密參究自然與道相應李遵  
勗云參禪須是鐵漢著于心頭便判直取無上菩提  
一切是非莫管

示蕭元帥

無上妙道人本具蓋因積劫以來妄想執着未能  
頓明本地風光大力量人當用真實工夫舉古人話  
頭於一切處密密提撕心心無間驀然打破疑情始  
有自由分若是半疑半信卒難構得正如關羽於百



萬軍中取顏良首相似不畏前境決勝千里豈不快哉今時士大夫沒溺文字語言不下道實工夫若欲洞徹生死根源當如實而參如實而悟便可與佛祖把手共行示現宰官身而爲說法矣

一 蒯朝奉

我佛世尊爲一切衆生作大醫王經云我如良醫知病說藥服與不服非醫咎也一大藏教五千四十八卷皆治世藥方也將謂應病與藥殊不知藥多病甚後代祖師不能與之除去病源却於灸瘡癩上重加艾炷或云直指人心見性成佛或云卽心卽佛非心

非佛或擬議便喝或開口便打根性不等用藥非一消則成醍醐不消成毒藥病去藥存是亦病也玄沙示衆云汝等盡道接物利生忽遇三種病人作麼生接患盲者拈槌豎拂他又不見患聾者語言三昧他又聞患啞者教他說又說不得若接此三種人不得佛法無靈驗有僧請益雲門門云汝禮拜著僧拜起門以拄杖挫僧退後汝不是忘盲麼門又喚僧近前汝不是患聾麼門云還會麼僧云不會門云汝不是患啞麼其僧言下契悟雲門大師慣用此藥要且只能殺人不能活人何故上等醫人非藥爲藥中等



醫人以藥爲藥下等醫人藥成非藥且道阿魏因甚  
麼無真水銀因甚麼無假甘草得恁麼甜黃連得恁  
麼苦若是具眼道流不向舌根薦取臚塘桂山先生  
素蘊儒業又得盧扁之妙常以濟物爲懷特承遠訪  
扣問入道之要直欲洞徹生死根源因舉五祖演和  
尙云釋迦彌勒猶是他奴且道他是阿誰但於二六  
時中密密叅究久久純熟驀然墮地一下如病得汗  
豈不快哉

示直翁徐居士

長夏獲以同居岩間松下一語一默喜不自勝且道

與古人夏中不聞正因兩字是同是別請直翁下一  
轉語機先著眼未是俊流昔汾陽昭禪師叅七十餘  
員善知識後見首山問百丈卷席意旨如何山云龍  
袖拂開全體現汾陽又問師意如何山云象王行處  
絕狐踪汾陽於此大悟禮拜起云萬古碧潭空界月  
再三撈捩始應知傍有僧云汝見甚麼道理便乃自  
肯汾陽云正是我放身捨命處看他古人終不肯自  
小結果叅禪縱有所省若不見人謂之癡禪悟迹不  
除翻成籠檻一切處爲之禁制坐在勝妙界中前輩  
謂之鶻臭布衫最難卸却更宜審諦第一不得向黑

山下鬼窟裏作活計第二不得向急水上打毬子四  
威儀內急切用工驀然拶破面門元來只是舊時人  
更無絲毫爲障爲碍言多道遠勉之

示覺空菴王

覺所覺空空覺極圓聞所聞盡盡聞不住恁麼見得  
早涉途程不見道情存聖量猶涉客塵已見未忘還  
同添漏豈可論心論性講禪講道以當宗乘古之有  
志於道者名利不干懷財寶不爲念大忘人世草衣  
木食以實參實悟爲期若是口裏水漉漉地惟增業  
識耳檢點將來成得甚麼邊事聰明不敵生死乾慧

豈免輪迴園通菴王篤志於道真末世光明幢也但  
聰敏太過坐在勝妙界中見聞不脫如水中月一日  
需語爲警策呀白雲山頂相見了也圓通菴中相見  
了也更有甚麼相孤負處又欲拈秃筆塗白紙耶

示玳禪人

昔日雪峰多苦行不辭九到與三登幡然有意思前  
古一策春風下碧層二山玳禪人同住峰頂將欲遍  
叅出紙求語古德云識得拄杖子一生叅學事畢且  
道這個是拄杖子那個是叅學事若也道得本具叅  
學眼在若道不得亦未具叅學眼在



示尼無瑕

昔大慧和尚會中妙聰禪人幼年打硬修行曾在徑山度夏一日大慧上堂舉石頭示藥山恁麼也不得不恁麼也不得恁麼不恁麼總不得妙總於此有省大慧舉石頭打渡逢婆子話詰之妙總頌云一葉扁舟泛渺茫呈橈舞棹別宮商雲山海月俱拋却贏得莊周蝶夢長看他得底人著著自有出身之路豈肯死於語下乎靖山禪士孜孜爲道遠扣峰頂袖紙乞語况余藏拙深雲初未曾與人道個不字憫其情切因書妙總見大慧因緣果能如實而叅到大安樂之

地雖百千妙總亦在下風矣就書一偈以勉清標不讓末山尼純淨無瑕亦未奇噴地一聲真慶快英雄真個丈夫兒

示自省新戒

高菴和尚云父母養汝身師友成汝志無饑寒之迫無征役之勞於此不精進成辦道業他日何面目見父母師友乎此語可與日月爭光蓋出家非圖清閒取快活也難行能行難學能學難忍能忍難捨能捨於一切處舉古人話頭密密叅究以悟爲則又不得將心待悟四恩難報信施難消時光迅速慎勿虛度



示道昌禪人

古人正因出家正因行脚爲生死不明爲斷煩惱出  
三界續佛慧命非求安逸也非求溫飽也非求蝸角  
利名也遠塵離俗超越淤泥山林岩穴一心精進成  
辦道業開善謙禪師示衆云思量分別決定不是見  
聞覺知決定不是行住坐臥決定不是問答語言決  
定不是且絕此四個路頭却提起趙州個無字自然  
管取呵呵咲去與夫浮辭濫說不侔矣勉之

示宗本新戒

古德云養子不須教落賺自然會其可教者語言糟

粕耳治心須求妙悟其妙悟之心在乎勇猛精進撥  
透向上關候子實不在語言文字也縱有明師密授  
不如心之自得故曰得之於心觸物遇緣不謀而應  
雖然猶恐坐在勝妙界中更須百尺竿頭進步得大  
自在可也不見大愚辭歸宗欲往諸方學五味禪去  
宗云我者裏有一味禪爲甚不學愚云如何是和尙  
一味禪宗便打愚云噯我會也我會也宗又打着他  
古人門風高峻手段惡辣與夫婆婆和和者何嘗天  
淵之隔且道大愚畢竟會個甚麼者裏道得也三十  
棒道不得也三十棒待汝異日歸來肋下拔本

示徒妙理叅方

黃龍禪師云父嚴則子敬今日之規訓後日之模範也  
嫗之煦之春夏所以生育也霜之雪之秋冬所以成熟也  
吾欲無言可乎出家當以戒行為先戒是正順解脫之本  
戒為入道之門若無戒行善根不生佛祖明言可不慎哉  
但於一切處一切時舉古人話頭密密叅究驚歎噴地  
一下始有少分相應庶不孤出家行脚之本志因書偈以勉教理  
精通驢繫轡關透徹鳥棲蘆二途不涉超諸見方稱出家大丈夫

示仁禪人

叅禪學道要在志之堅確把做無礙得緊一件事痛加煅煉  
驀然萬仞崖頭撒手放身捨命一番始得若是顛顛預預  
今日三明日四虛喪光陰大不濟事不見玄沙云我立地待汝  
搆取如今不搆取更待何時毋得自輕而退屈古德云昨夜文殊普賢起佛見法  
見各與三十拄杖貶向二鐵圍山噫切忌認驢鞍橋作阿爺下領

示顯禪人

古云道本無言因言顯道又云語不離窠臼焉能出蓋纏大丈夫如倚天長劍凜乎不可干犯始有自由



分祖師方便如火聚近之則喪身失命若是思而  
解慮而知則千里萬里矣蒲田顯禪人欲瞻禮補陀  
出紙求語吁同堂喫飯同牀打睡問訊起居俯仰折  
旋一一天真有甚麼相孤負處因書四句以勉之頭  
頭物物顯真常卽是圓通徧十方四萬八千峯頂上  
寒梅樹樹噴清香  
是身壽命如駒過隙奚暇閒情妄爲雜事果於二六  
時中開裏底靜中明靜裏底閑中薦驀然噴地一下  
則叅學事畢矣  
頌古

世尊拈花

禾黍不陽艷競栽桃李春翻令力耕者半作賣化人  
那吒太子

廓清五蘊吞十方平分風月已垂張陽春雪曲知音  
少打瓦鑽龜漫度量

達磨門人各言所得

甜瓜生苦瓠美棗多荆棘利旁固有刀貪人還自賊  
六祖風幡

不是風幡不是心紫荊樹上結林檎高山流水尋常  
事不是子期誰賞音

百丈野狐

不落不昧強名模那個男兒是丈夫  
夜靜虛堂人寂寂一輪明月照平湖

南泉斬猫

狸奴提起太生癡擬議停機墮見坑  
最好一刀分兩段免教千古競頭爭

頭戴草鞋便出去趙州何事太匆匆  
沾衣欲濕杏花雨吹面不寒楊柳風

不是心不是佛不是物

頂門豎亞摩醯眼肘後斜懸奪命符  
堪咲東村王大

姐却來壁上畫葫蘆

陸亘大夫問南泉天地與我同根

天地同根物同體尋言逐句太模糊  
牡丹花發如春夢會得依然在半途

庭前栢樹子

謾將庭栢示來僧見得分明未十成  
偏愛暮雲歸未合遠山無限碧層層

僧問投子和尚任此山有何境界子云了角女

子白頭絲

了角女子白頭絲四海禪流知不知  
一旦風雷化龍



去刻舟求劍太愚癡

趙州狗子佛性

狗子佛性秉劍行令擬議停機喪身失命

爲山與仰山摘茶

子形不見只聞聲體用全彰撼樹鳴黃鶯枝上千般  
語不是謳歌不是經

趙州青州布衫

無絃琴別曲穴鼻針穿線西風一陣來落葉兩三片

僧問法眼如何是曹源一滴水眼云是曹源一

滴水韶國師於言下大悟

曹源一滴混漚清打碎焦磚連底冰鸚鵡故鄉歸不  
得大都言語太分明

僧問首山如何是佛

新婦騎驢阿家牽太虛空中生閃電笊篱無柄攬春  
風撼動落花飛片片

五祖示衆釋迦彌勒猶是他奴且道他是阿誰  
便下座

雨洗淡紅桃萼嫩風吹淺碧柳絲輕縱饒曠劫生前  
會也是空花翳眼睛

俱胝豎指

一生受用不盡底單單嚇得小孩兒金華峰頂團團  
月仔細看來似舊時

僧問首山學人到寶山空手回時如何山云家

家門前火把子

家家門前火把子也是盲人撞瞎虎畫棟朝飛南浦  
雲朱簾暮捲西山雨

德山托鉢

紅蓼汀洲一笛風暮雲滅盡水吞空可憐無限深秋  
意祇在沙鷗冷眼中

黃龍三關

我手何似佛手人前剛要揚家醜雨打梨花蚊蝶飛  
風吹柳絮毛毬走

我脚何似驢脚瘡病不假驢馳藥堪咲靈山老古錘  
無端拋下個木杓

人人有個生緣三個猢猻夜簸錢風送水聲來枕畔  
月移松影到床前

僧問石頭徹禪師如何是教外別傳一句徹云

東村王老夜燒錢

東村王老夜燒錢脫殼烏龜飛上天盡道草生苦種  
後誰知葉落立秋前



犀牛扇子

國師無故索犀牛侍者連忙呈破扇聾人不聽天上  
雷却向雲中看閃電

良遂叅麻谷

上門上戶苦辛叅携鑊入園亦未甘十二本經幾賺  
却誰知又被谷師瞞

石頭馳書

寧可永劫受沈淪不從諸聖求解脫南嶽峰頭大險  
生上天下地一隻鶴

女子出定

青山不動勢崔嵬百易逢春晝夜啼公子不知時節  
換玉鞭揚起過山西

馬祖踏倒水潦

一脚踏倒太無情秋月寒潭徹底清試問慣諳途路  
者長安去此幾多程

青原叅六祖

聖諦不爲何塔級風吹不入雨不濕縱饒脫體便承  
當也是餠餅裏覓汁

長慶問靈雲如何是佛法大意荅云驢車未了  
馬事到來

驢事未了馬事來喜得陽春大地回唯有嶺梅先漏  
泄一枝獨向雪中開

僧問石霜如何是和尙深深處霜云無鬚鎖子  
兩頭搖

無鬚鎖子兩頭搖六月雲深雪未消萬仞峰頭獨足  
立不妨提起活人刀

馬祖問野鴨

飄然野鴨過長空逐浪隨波不見蹤忽爾鼻頭知痛  
癢大雄峰頂喪家風

臨濟囑三聖

瞎驢滅却正法眼當頭切忌錯商量天荒地老無人  
會優鉢羅華遍界香

百丈再參

振威一喝虛空釘櫛三日耳聾弄巧成拙

僧問百丈如何是奇特事

獨坐大雄峯烟雲千萬重鳥啼花自咲何處不春風

趙州訪一菴主

柳色拖藍重桃花爛熳紅遊人看不足分付與東風  
真贊

出山相



六年苦行一麻一麥餓得面皮黃凍得眼睛日夜半  
觀明星無端揚醜惡累及後代兒孫個個無繩自縛  
髮頭跣足出山來一任天下人貶刺

觀音大士

寶月光中慈悲相好白水粼粼綠楊裊裊普與衆生  
除熱惱無煩惱處討煩惱

善財

百城烟水無知識辛苦叅尋去復來是處春山春水  
綠不勞彈指閣門開

達磨祖師

直指人心見性成佛誑謔閭閻未有了日一莖五葉  
成狼籍

折蘆渡江平地荆棘心不負人面無慚色

寒山

心似秋月話作兩樵石壁題詩弄巧成拙

拾得

捱墨作戲無可不可閻丘老人當面錯過

三教圖

視不見我瞻之在前法身無爲不墮諸數會得三家  
村裏事隨機權變開門戶陳年葛藤齊剗却杲杲日

輪正卓牛

馬大師

卽心卽佛揚聲止響非心非佛露柱抽骨出八十餘  
員知識個個口裏水漉漉誰云踏殺天下人六六元  
來三十六

韶國師

心外無法滿目青山冬瓜直籠侗瓠子曲灣灣枯曹  
源一滴之水破清涼惟識之關隨機應用顯綱宗承  
言滯句管窺斑四萬八千峯頂上一輪秋月對慈顏  
無準和尚

者個儻儻果難名模非但甚甚且是惡辣誰知正法  
眼藏向這瞎驢滅却落賺後代兒孫敲打虛空嗚噪  
噪咄

斷橋和尚

南山白額虎踞地天哮吼虛空弄爪牙佛祖皆罔措  
陳年莧菜根毒氣多遍布破家散宅者競搗塗毒鼓  
松山風撼碧濤寒眼裏聞聲爲舉似

自讚

窄菴首座請

髮頭破衲百醜千拙種豈不生苗栽蔬根倒苗勿逢



穿耳客機先還漏泄眉間掛劍時對面成途轍窄則  
遍寥沉寬則不容針寒山撫掌咲呵呵老倒豐于太  
饒舌

錦江橫書記請

真形無形真相無相不依本分打模畫樣挨轉鐵面  
皮虛空敲作響看你這般伎倆宜乎敗向錦江之上

無文綺藏主請

一樹青松一輪明月佛法下衰出這妖孽妄言綺語  
話作兩樞鬢頭破衲坐磐陀誰知弄巧翻成拙明眼  
人前咲不徹

昌禪人請

覲面相呈更無回互振威一喝千聖罔措青山滿目  
無合古

海會寺印空長老請

萬峯頂走馬大海中輓毬面目如親薦鐵船上浮

壽寮元請

鬚頭破衲一村僧火種刀耕住碧層年老成魔無足  
恠呵風罵雨得人憎

范居士請

描也描不成畫也畫不就拈起黑漆竹篋直得移星

換斗堪悲堪笑老維摩一默酬人太多口

有道潘學士請

以我爲隱乎吾無隱乎爾面目太分明認著還不是  
阿呵呵囉囉哩柳栗橫肩不顧人月明又渡坦溪水

心海湧首座請

長松樹下坐磐陀石這般伎倆對面不識當陽一喝  
太虛霹靂波翻浪涌未爲奇生鐵蒺藜當面擲

遠禪人請

耳朵兩片皮鼻孔向下垂一一皆明妙觀面莫遲疑  
長松樹頂月光輝

自省新戒請

父子不傳之妙豈可打模畫樣若是跨竈兒孫終不  
如盲摸象不見臨濟叅黃蘗臨機進前劈口掌者裏  
酌然能猛省鼻孔元來搭唇上

道源新戒請

形直影端源深流長描摹逼真也只尋常若是克家  
種草當陽掀倒禪床本來面目無遮覆颯颯松風爲  
舉揚

朴侍者請

身從無相中受生猶如幻出諸形像大朴未分形名





自在游戲慎勿掠虛欺詎巧偽一翳在眼空花亂墜  
止止不須說妙法難思議溪邊白鷺鷺飛上長松樹

示文禪人

秋露滴禪衣秋風翻木葉拈起鐵蒺藜舉步自超越  
爲言西峯來披雲扣岩穴問訊了喫茶一一皆明徹  
胡爲更覓語對面成途轍幽鳥隔窻啼長松掛新月

示永嘉圓首座

覺海性澄圓憤勿從他覓烟水百城南遍叅善知識  
相別已十年尋訪千岑碧蘊凜冰雪中坐對松根石  
一喝分賓主青天轟霹靂應咲老瞿曇彈指超彌勒

呈方山和尚

佛出現於世爲一大事故開示正知見利鈍悉皆度  
偉哉天人師叅徒蟻羶慕不涉思惟中白雲千萬里  
曲開方便門示我轉身句明朝雨脚收卷衲便歸去  
瓦鉢煮黃精地爐煨紫芋

示山禪人

與汝拄杖子虛空裏釘椽奪却拄杖子大海中捉月  
提起殺活劍弄巧翻成拙寒山與拾得撫掌咲不輟  
奇哉妙蓮花出水常清潔胡爲乃不然行汙空言說  
邪師過謬多滔滔說甄別縱饒玄會得猶是眼中屑



不經大爐鞴焉能抽釘楔沃洲山上人遠來扣岩穴  
有大丈夫志作事頗決烈單方巴豆子盡底爲傾泄  
通身冷汗流再甦方奇絕應病故與藥不盡閒施設  
僑梵波提側耳聽舜若多神驚吐舌

示贊禪人

雪老低頭歸菴麻谷携鋤入園一對無孔鐵鎚剛要  
掘地覓天縱饒機先著眼已隔三千大千若還句下  
承當如蠶作繭自纏猛虎不食鵬殘俊鷹不打死鷄  
一一天真明妙千聖亦莫能傳驀然如桶脫底始信  
吾不虛言風送水聲來枕畔日移松影到簷前

示可西堂

居山二十年自得山中趣山鳥白晝啼山花開滿路  
木屐印蒼苔蘿龕鎖寒霧鐵錫與銅瓶長年掛枯樹  
山高分外寒紙衣鋪艾絮携籃挑笋芽開畝種紫芋  
上人如不忘伴我峯頭住

示興禪人

無端一念瞥然興好似浮雲點太清萬疊台山親到  
頂桃花爛熳雨初晴

示顯殿主

蜂房蟻穴光明藏綠水青山正覺場叉手進前休擬

議頭頭物物顯直常

成知客之淨慈

不逼生蠶繭不成丈夫立志要堅貞南屏山裏叅尊  
宿慧日煌煌照世明

示友維那

我儂忍饑尚不服奚暇爲汝說佛法萬峯頂上雨初  
晴松杉翠滴蒼苔滑

荅劉知州

目擊道存真慶快心如水月照何窮蒙頭跣足寒山  
子珍重間丘慎覓蹤

與克密釋兒宣差

宿雨初收暑氣清 御烟新染葛衣輕大千沙界同  
文軌鐘產賢良輔 聖明

贈南明趙青山學士

春深相與登華頂扣問葛洪舊丹井六合茫茫人未  
知月瀉千峯萬峯影

示瑣禪人

生平自咲百無能破衲蒙頭在碧巒壁角落頭生掃  
帚弗曾拈起當易藤

示海禪人



寶隋岩畔海濤潤滑石橋邊差路多聞說爭如親見  
好一聲幽鳥出烟蘿

示日本揀禪人

未跨船舷三十棒現成句子切須參華峯四萬八千  
丈流水松風爲指南

示玄禪人

水河發談非爲妙枯木生華亦未奇對坐松根無別  
語擡眸祇看白雲飛

贈劉星士

白雲紅葉擁柴門且捲星書坐石根禍福盡從心召

得無心禍福不須論

示安禪人

好個安心法當陽妙不傳誰知潭底月元在屋頭天

示何大夫鑄鐘

大冶爐中煨出來頑銅鈍鐵總良材清聲遠播三千  
界擾擾勞生眼豁開

送西臺常御史

腰佩黃金已退藏苦心剋志扣諸方壑峯頂上曾親  
到雲自閒閒水自忙

荅東嶼和尚

無異種尚論錄

三世如來一口吞陳言冷語不須論  
三錢買個黃砂鉢埋向爐邊煮菜根

苔潤潤出院使

異寵恩光下日邊方袍新染  
御爐烟雲串老衲將何報  
一炷清香禮佛前

示常禪人

平常心是道舉步入荒草要知端的意  
一老一不老禮方山和尚塔

雲巒颯下禮慈容誨語如同一日中佇立塔前泥半  
掩湖光黯黯雨濛濛

韶國師受業

心外無法揚家醜滿目青山途路長  
四百餘年行道地遶簷栢子散清香

法身頌

急水灘頭鳥作窠磐陀石上種油麻  
虛空蹕跳須彌舞鐵樹風前自放華

新成東淨

淨頭新搆欲如何努力須還者  
一扃若是等閒躡坐去空添臭氣  
上身多

窄菴

無見印尚論錄

三



藕絲竅裏乾坤濶芥納須彌世界寬  
有指有拳機用別柴門常掩白雲間

懶牛

不是無心耕石田鼻繩掣斷已多年  
橫眠三界乾坤窄堪笑梁山寫不全

懶菴

日上三竿猶未起人來也弗豎拳頭  
啣花百鳥無消息一曲松風瀉碧流

無文

素甘質朴欲何爲草座麻衣合自宜  
胸次不留元字

脚一拳打碎五須彌

信菴

驀然桶底脫決定更無疑獨坐茅簷下  
拳頭接上機

月潭

一輪常皎潔冷浸碧波心無物能堪比  
清光照古今

四威儀

山中行紅菊花開錦一棚幽鳥鳴試問  
禪流作麼生  
山中住獨扇柴門亦懶拄雙老鳥每日  
飛來又飛去  
山中坐松根塊石莓苔裏舉頭看應笑  
白雲閒似我  
山中臥藁薦年深都抖破寒夜長煨取  
柴頭三兩個

十二時歌

平旦寅究明祖意莫因循著衣喫飯尋常事大死一  
回方始親 日出卯世智聰明誇善巧煮沙安得會  
成糜畫餅從來不能飽 食時辰取相修行徒苦辛  
洗面忽然摸著鼻元來只是舊時人 禺中已碧眼  
胡僧猶罔措秘魔手裏擎木义道吾座上執笏舞  
日南午大地撮來無寸土無毛鷄子潑天飛雉尾大  
蟲吞却虎 日昃未割露西來第一義又殊不是七  
佛師釋迦豈受燃燈記 晡時申見得分明亦未親  
若也從門而入須知不是自家珍 日入酉對人

懶得開臭口老鼠成羣偷芋栗床頭打翻破瓦缶  
黃昏戌又見月從峯頂出石上松根獨自行風吹露  
滴麻衣濕 人定亥山蠻杜叻全不改一拳打碎五  
須彌信脚踏翻四大海 夜半子不惜爲君重舉似  
趙州使得十二時却被十二時辰使 雞鳴丑茅簷  
不掃青苔厚紛紛黃葉墜岩前片片白雲生谷口

言語機關句

我有一言千聖不傳阿難合掌迦葉擎拳  
我有一語切忌錯舉昨日好風今日好雨  
我有一機分明示伊若也不會鋸解秤鎚



我有一關會也大難風號萬壑雪覆千山  
我有一句非思非慮瓦銚煎茶地爐煨芋

山居詩

一樹青松一抹烟一輪明月一泓泉丹青若寫歸畫  
畫添個頭陀坐石邊

莊生有意能齊物我也無心與物齊獨坐蒲團春日  
暖一聲幽鳥隱窗啼

鴈聲歷歷冷雲邊補得裙成袴又穿紅日西斜松影  
轉蒲鞋移晒屋簷前

山寮也作裝寒計牕紙重糊分外牢乾燥竹柴成把

續夜深逐個取來燒

三間箬屋青松下四壁重泥好置身經又不看禪不  
坐瓦爐終日自生塵

偶挑野菜過坑西嫩草齊腰路欲迷春雨弄晴春日  
淡杜鵑啼住竹雞啼

山房寂寂坐深夜一點寒燈半結花老鼠成羣偷芋  
栗床頭打倒破砂鍋

白雲常鎖千峯頂立處高今住處孤掘地倦來眠一  
覺鋤頭當枕勝珊瑚

蟄處雲深活計疎從他得失與榮枯開畬墾地閒消

造佛法身心半點無

蘿葡收來爛熟蒸晒乾香軟勝黃精二時塞却饑倉  
了誰管簷前雪霰聲

和永明禪師韻

高束瓶盂住翠微從教世態自隆夷深明吾祖單傳  
旨閒擬寒山出格詩啼渴野猿窺澗水聚羣林鳥折  
霜枝賞音百舌陽春調千載悠悠一子期  
機智無勞較淺深青山有路可追尋聽教兩鬢蒼莖  
白消盡平生種種心今古桑田多變易朝昏烏兔自  
昇沉齋餘花鉢歸來久飽飯安眠不解襟

到家舊路須忘却未到家時路覺遙每見落花隨逝  
水咲看枯木上凌霄千尋學海空奇浪一片心田長  
異苗構得茅菴可容膝虛窓不碍四山朝

卓錫無地可言窮年老幽棲心轉慵情識頓忘齊榻  
木色香不壞貴遊蜂千山草木歸春綠一幅丹青古  
意濃檢點庵前舊行路啣花麋鹿久無蹤

林泉寂寞難招伴世路縈紆必假媒捉月騎鯨狂未  
息凌雲跨鶴志須摧慧光自我性天朗花種從人心  
地開雙足跣趺香草軟此身知是幾生來

陰極陽生陽復陰萬機不昧去來今雜花遍界衆生



念霽月澄潭諸佛心送臘寒梅香吐玉迎春晴柳影  
搖金了無淨穢分方所禽鳥時時演妙音

法法圓融妙莫論無餘無欠衆中尊雨滋白石生雲  
母露引清苔上華門爛煮木芽清有味頻燒栢子澹  
無言相逢禪客祇彈指占佛家風喜復存

爛堆黃葉買山居無德於人且自於可喜身爲林下  
客從教塵積案頭書死生二事歸呼吸真妄雙緣已  
斷除當日遠公修白業區區結社在匡廬

片懷澹泞白雲鄉堪笑勞生日日忙海島定無延壽  
藥仙家空有化金方中天星斗明寒水極目烟雲暗

八荒寂寂柴灰孤定起一聲清磬覺天長

松蘿爲蓋屋頭青慣下生臺鳥不驚雲片自開還自  
合客情無送亦無迎春回大地羣芳嫩水漲前溪兩  
岸平割愛毀形公已矣是誰來涉世間情

袈裟不展任灰塵三十年來罷問津天外難窮千里  
思雲中自老一生身羣峯雨後重添翠幽谷花開晚  
見春寄語東村王大老今年貧勝去年貧

晨鐘殷殷出林巒又起人間事萬端今日住來山水  
窟昔年曾向畫圖看青松萬本花無數紅日三竿露  
未乾但得此心平似地任他鹿馬路欺瞞

誰將心識苦評論今古茯苓松樹根道絕修時方合  
道恩無報處始知恩長年褐布衣三事靜夜青天月  
一痕百億恒河沙數佛不消一口渾崙吞

同人訪我喜盈眉夜坐沉沉月影微不是半生消積  
習那能一語便投機燈挑餘燼紅英落火撥浮灰白  
雪飛誰肯深山話岑寂明朝未可卽言歸

夜梵千聲月未央不知消盡篆文香斷槎東海靜中  
開一枕南柯夢裏忙自覺娑婆光影短憶歸清泰念  
頭長寶幢珠網重重護種種莊嚴不可量

三合聊資六尺軀過天名利任他圖自從念斷諸緣

息誰管山平萬象枯水鳥引雛沿澗走樵童尋伴隔  
林呼有心固必夷齊輩千古首陽成餓夫

清冷雲中到者稀廓然物我自同歸桃紅李白資真  
諦燕語鶯啼闡妙機新水漲溪魚影密宿雲歸洞日  
光微祇將一默酬知已是不是今非不非

世路從茲不轉頭鬢鬆寒拾我同儔玄珠自是無心  
得點慧徒然盡力求困臥饑殮消歲月花開葉落認  
春秋可憐貪利貪名者一個狂心百樣憂

法門無量愧無成玉兔金烏是又盈對境時時消妄  
念有身日日厭浮生山深樹密招提靜路轉溪回畧



狗橫像教顛危在今日更誰來話道中情  
烟霞鎖翠接天濃疑與人間路不通寂爾忘言超物  
外怡然適性樂其中祖燈燦燦真瓊續教網重重未  
易窮霜飲一聲溪月白此情非異亦非同  
老我林泉喜陪佳曾將行李客京華塵緣此去終無  
慮生計年來漸有涯爽徑長高鳥竹筍滿池開遍白  
蓮花日沉歸鳥翻身急獨倚柴門看落霞  
鳥不啣花事悄然一輪白日掛青天戒規未學論持  
犯道合中庸絕正偏凝碧寒泉甜似蜜採藍細草軟  
如氊下方寒暑多遷變門外青松知幾年

褒貶春秋自魯丘賢才不肖筆端收人亡金谷貪方  
息路極鳥江心未休青塚霜疑千古怨後庭花落幾  
多愁莫來咲我論時事偶把浮言對俗儔

不用尋幽遠色聲遁形何事要馳名過山明月元無  
意出岫浮雲豈有情覽鏡滿頭霜雪白看經兩眼眩  
花生燒殘楮袖和衣睡一覺起來天大明

春暮山深花木香啣鳴桐角關村鄉晴潭波暖魚遊  
躍古樹枝高蔓引長終日獨看松頂鶴百年誰悟草  
頭霜閒思往古英豪事總屬人間夢一場

愛欲沉迷顯異殊未蠲諸漏總凡夫四生有想情多

萬事無心貴一愚秦世長城空萬里漢宮細柳謾  
千株時中若欲知三業舉目頻看地獄圖

佛祖遺風亦懶追千差萬別亦忘之休言已得未爲  
得不立長期與短期衆水咸歸東畔海羣芳先發向  
陽枝八絃雲淨天如洗一句明明舉向誰

暗室清天了了然全歸寂滅樂三禪可憐俗子求長  
壽却問仙翁學妙玄陋巷篋瓢閒境界畫堂歌管業  
因緣一溪流水年年綠只麼如如傲聖賢

茫茫三界轉車輪隨力資持養幻身數顆芋煨經宿  
火一瓶茶煮去年春深棲禪定蒲龕穩重寫經題目

葉新羅什廣翻三藏教清名高譽萬姚秦

方便門開悟有由衣珠未顯可言休屠龍得角真堪  
羨鑽燧逢烟正好求數片山雲沉晚照一潭野水泛  
輕鷗世間不見蓬萊客海上空聞有寶洲

置身高在半雲霄回首下方人境遙蓮漏水澄蟾影  
墮石樓風細磬聲消夙緣會遇非今日往事思量似  
昨朝一味埋頭且憨睡世人嫌我太清寥

枕石眠雲仰看松從來佛法自流東閒情祇把詩消  
遣妙道難將理性窮依約天花飛木末丁東簷鐸響  
空中寄言役役闍浮客莫用機心覩業風



著意馳求萬里遙得來元不隔絲毫法門廣大含諸  
有祖道衰微賴我曹宗立五家元氣在航浮一葦浪  
頭高叅玄未具超宗眼渾似夜行披錦袍  
一嘯風生拍手歸谷人相答樂熙怡細看秋月寒山  
句祇有天台拾得知境入靜時山始好橋逢斷處路  
方危窮通已定宜安分不見當年薦福碑  
雲林一入不知年深羨孤標出世賢雲葉亂堆簷外  
地漚花輕弄水中天柴門長掩綠無客紙閣重糊爲  
惜烟短髮任從頭上白寒溫動靜體安然  
等觀塵世一蘆蘆名上凌烟不足圖馬爲路遙知力

乏草因霜重見心枯渴來任掬清泉飲客至曾無熟  
炙呼獨倚柴門發清嘯躡雲歸與應真俱

山寒終日懶開門至理深明不用論落落明珠還合  
浦滔滔逝水絕歸源破裘重補經三紀鈍鑿深鋤自  
一村偏愛春風無棟擇堦前依舊長苔痕

默坐柴床絕所依眼前物物契直機舜苔自裏生香  
樹松露時沾壞色衣石罇泉甘茶味足雲根土淺蕨  
苗微雙雙白鷺衝烟去一曲樵歌送落暉

松徑逢人懶問名徘徊無語立溪亭遇飢只煮山中  
石遮眼閒看案上經翠竹每逢丹鳳宿碧潭深貯老

龍靈炎京毀譽時時別惟有青山今古青  
曠劫靈機挽得回大千沙界一塵該手招明月歸茅  
屋衲捲寒雲坐石臺雪點梅腮供冷咲日烘柳眼帶  
青開洞然一片真如境清淨願深今復來  
曲曲斜斜門外路東西南北總相通三重玄要毋勞  
舉五位君臣不借功一徑落花春雨過滿山啼鳥夕  
陽紅何人更問菴中事憶殺當年個懶融  
石老松枯境寂然折旋俯仰紀前言慢幢及業摧真  
智業海煎熬喪本源當制無鈎任性象須防得樹縱  
情猿頓空諸有超三際高揖清風下竹軒

一天清露冷禪衣吟斷殘鐘思轉微百舌忉忉醒客  
夢杜鵑怛怛勸人歸堦前苔蘚高低綠門外楊花上  
下飛滿眼綠陰春又過是誰格外透玄機

綿密工夫不計程森羅萬象伴閒情下方地傑蛟龍  
遁午夜天寬斗柄橫東土人心多忽忽西來祖意自  
明明藏鋒寶劍光如日幾度紅爐煉得成  
同迷五濁寔堪悲濟濟緇流貴寶之苦行一生堪上  
傳清名千古勝刊碑汲深縷短徒勞力水到渠成自  
有時祖道騰芳在今日令人樹下憶楊岐

獲叨斯教足優游不用歡兮不用愁對境靜心觀化



理逢人無口問來由乳麋逐母眠花下松鼠呼兒上  
樹頭懶瓚當年機欠密天書來往幾時休

林邊閒想昔時人巖嶮途中要立身羈纜功勛慚管  
晏縱橫事業耻儀秦生前利祿隨陽燄死後聲名等  
隙塵四海五湖流浪客至今知假不知真

近來四大喜調和老我無心閒轉多竹戶經年長自  
閉岳僧昨日忽相過春茶旋種菴前地秋豆先收隴  
下坡任汝功名賤如土掉頭不買茶五岳

六戶虛閒夜不扃孤燈耿耿徹昏冥宗風未墜思諸  
祖詩句重吟憶二靈鐘斷月樓人已定猿啼霜樹夢

初醒曉來撥雪尋行徑自折山梅插瓦瓶

世道如斯念合忘世情厭我苦韜藏自空五蘊離諸  
病不把千金換一方對眾拈花迦葉咲迷頭認影若  
多狂有爲總是忙邊事事到無爲總不忙

結屋高崖轉步慳條然四壁夜無關門前山在春長  
在門裏人閒景亦閒風掠枝頭花片墜雪消谷口水  
聲還終年居此應無愧大道不離方寸間

安樂窩中早授方要知貧富總虛忙忙中境界須臾  
過靜裏光陰分外長紅日影浮青嶂淡紫霞光聚紺  
天涼山林自可傲朝市繞屋松蘿滴翠香

我本田夫今釋子我師門戶大慈悲一齋籠守精神  
爽雜念不生情性怡谿柳經霜辭故葉山花得雨長  
新枝會來萬法皆同轍是聖是凡休遠之

未悟權分愚與賢悟時無後亦無先華池歸去定何  
日布衲披來不計年卜舍自甘隣虎豹滿朝誰肯棄  
貂蟬有時更上磐陀石極目塵寰一惘然

門外浮雲任去留法無定法不須愁行藏林下有龜  
鑑與廢人間等蜃樓飯罷欠伸閒鼓腹寒來兀坐只  
蒙頭黃金白玉成何事日不休今夜不休

望斷斜陽憶故鄉淹留塵世十年強當時不下菩提

種今日豈聞簷蔔香暗長竹稍高透屋新栽松樹已  
過墻月沉後夜誰相交數點山螢照草堂

等觀大地度流年行亦禪兮坐亦禪堪愛四山塵絕  
點何妨一室靜蕭然洗盆換水梳堯韭掃石焚香禮  
竺仙彼彼光明看得破繁中落落寶珠圓

亭亭修竹護禪關未許白雲來借閒岩下古松青不  
滅天邊飛鳥倦知還追賢有愧慵歸社老我無心別  
買山今日不圖明日計火風分散霎時間

揚鞭舉棹去紛然不爲名牽卽利牽百歲光陰過瞬  
息一生心力事他緣豁然悟鏡頭元在倏爾昏來鳥



落茲澗草山花渾似錦是誰來此立峯前  
參罷歸來事宛然了無一點世情牽枕音續續終三  
鼓清夢頻頻到五天鐵鉢飯香霜下稻砂鍋茶煮石  
根泉龐眉道者來相訪學海瀾翻語入玄

亂山平處夕陽多抱子黃猿入翠蘿品字柴頭伴岑  
寂一尋拄杖共漚和喜無俗子喧孤定時有樵人唱  
短歌警爾情生機智隔纖塵取類早揩磨

光明性海渺無涯尺本無添寸又加爲道了無寒暑  
變尋師寧憚路途賒情迷自用分高下理在何須辨  
正邪堪咲舊時行履別會來萬法卽吾家

終朝兀坐似癡呆無倚無依實暢哉白髮滿頭難再  
黑青春過眼易重來燕辭社去如相約蜂爲花忙似  
有媒未盡餘齡隨所住天真佛不假蓮胎

雨餘絕頂晚生涼一種襟懷孰較量寂寂空山轉青  
碧茫茫塵世幾興亡逢人話舊傷時異顧影臨風坐  
夜長誰證無師無痛智忽來一陣白蓮香

茅欄蕭洒挹溪濱禪罷搜玄妙入神流水廣談空諦  
義青山頓顯舍那身烟雲雜沓如排陣日月流行似  
轉輪茅舍入深應有路不須重問採樵人

天晴拂曉啓巖扉  
糝糝霜華帶葉飛時至理彰雖有

待功成名遂合知機張翰豈是思尊去陶令休言爲  
菊歸可止可行人不薦大都是處却成非

日出扶桑觸處紅三千刹海體元同菴摩羅果無生  
智優鉢曇花畢竟空倒握龜毛酬至化高提鬼角振  
宗風一聲啼鳥春光裏何處是西何處東

同中有異異中同六用門頭具變通頓發辨才瓶瀉  
水不留朕迹月行空定回衣濕蕉花露吟就詩清竹  
葉風入佛入魔俱莫問太平無象孰論功

祖師遺韻難輕擬六十九篇消性情甘自守愚全素  
節從他尚巧耀虛名久長受用貧邊得安樂工夫拙

處成此理明明亘今古黃河知是幾番清

題跋

跋高峯和尚書

中有清壘白飯之語

天目和尚振法道於斯世其如輝暗之燈與公觀書  
帖初無爾疆我界之語警訓之辭凜然在耳窄菴首  
座珍藏之久一日持以示余需語于後噫幸好一分  
白飯何必縻以薑椒

蘭翁方山和尚書

安洲遇維那持蘭翁方山和尚遺墨求一語于後噫  
二大老只爲慈悲故未免口裏水漉漉地余又豈可



推波助瀾合掌加額卷而還之

空中和尚語

山中樵唱雲頂流毒謂之有語成謗訕謂之無語須  
細讀石火電光醍醐毒藥具眼者辨取

古田和尚答無則和尚書

古人見父師手澤如侍嚴詔况酬答叔父書帖乎焚  
香拜觀憫念世間饑苦一日只作一日計慈悲深廣  
了達夢幻規訓凜然成藏主既能珍藏非惟寶其翰  
墨當敬思而奉持其或言外有聞則受用又無窮矣  
臨終示衆

大凡參學之士須要信得及行得力大事未明如喪  
考妣堅持淨戒一心問道古人正因出家正因行脚  
爲生死事大無常迅速廢寢忘殮如救頭然奚暇閒  
情遊山翫水奔名逐利汨沒塵勞今人口頭雖說參  
禪心裏全不肯做遍相沿襲與之俱化瞞人自瞞大  
不濟事如斯等輩真可憐憫須是放下世緣一切處  
一切時舉起個話頭密密叅究今生便要決斷料想  
不由別人但退步就已用真實工夫一提提起一覷  
覷破更無絲毫爲障爲礙大丈夫一刀兩段豈肯死  
於語下乎且道者個是死語耶活語耶明眼人前切

忌錯舉

遺誡

汝等出家當行出家之行當念四恩難報信施難消  
努力以道爲重不可虛度時光常住十方僧物爲老  
病故毋得競爭人我增長無明鬪構是非戒之愼之  
來日煩衆新戒早爲焚化不須剃頭不用洗浴一爐  
猛火千足萬足

辭世現成句子不妨舉似虛空撲落須彌起舞

妙明真覺無見覩和尚住率頂善興禪寺語錄卷下

無見覩和尚塔銘 并序

天台山景德國清禪寺佛真文懿大師曇靈極  
至元大德間無見覩禪師以方山寶公之道唱東南  
於是天下英雋之儔高潔之侶雄豪魁傑之士聞其  
風而神馳覩其跡而心服莫不雜肩矯足忍饑渴冒  
寒暑形駢影屬以趨座下禪師則煦之嫗之又從而  
呵怒之憑之凌之又從而撫矜之飛而上則縉緞之  
走而下則網罟之吾惟其得而已於弋楮之勤奚恤  
金之鍛也器成木之斲也材就宜其棄榮華而甘澹  
泊黜聰明而返淳朴靡然而就弟子之列其之牴牾



也禪師諱先觀字無見姓葉氏世爲天台仙居顯族  
以宋之咸淳乙丑五月六日生 皇之元統甲戌五  
月二日卒壽七十臘五十卽以卒之九日茶毘而瘞  
其舍利塔於寺之西偏五十步嗚呼禪師其果亡乎  
其有不可亡者乎禪師資性秀穎幼絕腥醲嗜讀書  
過目成誦父母素期以儒業起家會沙門東洲善公  
者過而識之曰此法器宜毋滯鄉里率敬信善許諾  
逮冠從古田屋和尚雜染於郡之天寧旣具戒俾歸  
侍司尤旦夕以此道加策進禪師卽事徧叅見藏室  
珎公於天封方山寶公於瑞岩西菴而往來二公間

雖有所裨未臻其極遂築室華頂精苦自勵一日作  
務次凜然發省平生疑滯當下冰釋乃走西菴呈所  
解山以偈印之辭還峯頂山不能留也且華頂之勝  
自智者顛大寂詔高菴悟諸鉅公以微名懿德賁泉  
石而天子之尊王公將相之貴必詔問法要躬禮慈  
容日馳軺騁驛致香幣使者冠蓋旁午然其地高寒  
幽僻人莫能久處惟禪師一坐四十年足未嘗輒閱  
戶限其拈提開不勘辯之辭頌偈簡牘之筆誠般若  
之餘膏涅繁之賸馥也方近騰遠塔雖取夫竈婦之  
愚入之耳而出之口猶將薰其風誠殮其氣况虛

靈之器警拔之機神領意會其妙亦文身之表  
乎故錄而集之以貽永久茲不復一之資舉其妙明  
眞覺之號寂光之塔蓋上所賜也銘曰

華頂之峯斬絕空碧下闕滄溟瀕洞潮汐如楞伽于  
海中佛佁機而遊入誕闡教乘曰心曰識識乃心之  
資心乃識之質三界宛爾而存萬法樅然而立心於  
三界其本識於萬法其迹苟本泯而迹亡肆識空而  
心寂達磨西來弗作而述于孫詵詵虎丘孔碩茲無  
見之是承透金圈而吞栗棘楞伽之指于焉以塞達  
磨之傳于焉以得斯華頂於世間獨崢嶸而高出

會得西菴轉身句十方世界無蹲坐處四十餘年  
華頂峯雖不下山教化衆生而道行世間雖不開  
談玄之口而話在諸方門人集此錄刻舟記劍耳  
閱是錄者謂此是法語小叅偈頌夏蟲不可與語  
冰住天台萬年法弟了達題

佩贖祖無口刀大坐華頂一峯戒檢精嚴機語深  
穩有回石頭不下釣魚山風軌無見之見由是洞  
然明白謂余不信試以此錄驗焉

元統闕逢闍茂八月上吉雙徑山三叟行端跋





七  
廿五